

Social Security



Konpansasyon Asirans Enkapasite

Sa Asirans Enkapasite

Sekirite Sosyal lan Ye

Sekirite Sosyal se yon pwogram asirans soyal ki peye konpansasyon chak mwa bay travayè ki trouve yo nan enkapasite pou yo travay. Kondisyon sa-a dwe grav ase pou sa anpeche travayè ya travay pandan 1 an ou plis. Osnon, kote yo sispèk moun sa a ka mouri. Kantite kòb konpansasyon yon travayè resevwa baze sou taks Sekirite Sosyal travayè ya ansanm ak patron l kon abitye peye.

Kantite kòb konpansasyon wap resevwa va depann de kantite kòb ou touché. Plis kòb ou konn abitye touche yan gwo, se plis kòb konpansasyon wa resevwa chak mwa a va gwo tou.

Si ou trouve w nan lenkapasite avan laj 24 an, wap bezwen 6 pwen sa yo rele kredi, pandan yon period de 3 an kap koumanse lè ou te fèk randre nan enkapasite ya.

Si ou ant 24 ak 30 an, wap senpman bezwen mwatye kredi pou mwatye tan ant laj 21 lane e lè ou vin enkapasite ya. Si ou vin enkapasite nan laj 31 lane ou plis, kantite kredi wa va bezwen va depann sou ki laj ou te genyen lè ou vin enkapasite. Epi, fòk ou te gen tan gen pou pi piti 5 lane kredi (20 nan kredi yo) pandan 10 lane avan ou vin enkapasite.

Li pa nesesè pou yon moun sitwayen Ameriken pou li kalifye pou konpansasyon, men li dwe gen pèmisyon ki ba l dwa travay legalman nan peyi Eta Zini.

Ki Moun Ki Ka Resevwa Konpansasyon nan Ka Enkapasite

Yo peye konpansasyon bay travayè ansanm ak sèten manm nan fanmi li tèl ke:

- Pitit ou ki panko marye epi ki panko rive nan laj 18 an osnon 19 an laj si li toujou nan *High School full time*.
- Pitit ou ki gen plis ke 18 an laj ki pa marye men, ki enkapasite avan li te rive nan laj 22 an.
- Madanm osnon mari w ki gen ant 62 an ou plis, ou byen nenpòt ki laj si lap bay yon pitit ou ki gen mwens 16 an la swenyay osnon si li enkapasite ou byen si lap resevwa chèk.
- Si ou mouri kite mari w osnon madanm ou ki aje de 50 an pou pi piti.

Jan Pou w Aplike pou Konpansasyon Enkapasite

Pou rann aplikasyon an pi fasil, ou ka aplike pa telefòn, pa ekri osnon nan nenpòt biro nou genyen nan kominate ya.

Pou demach yo ka fèt pi rapid, li ta pi bon pou w ta ba nou non, adres, nimo telefòn, dat ou ta l pran la swenyay ansanm ak ki kalite la swenyay ou te resevwa lakay tout doktè, klinik ou lopital ou te ale.

Nan chita tandem wap gen pou fè ak nou, prepare w pou ou fè yon rale sou tout travay ou te genyen pandan 15 lane ki sot pase yo. Si ou gen biznis ou ki rele w che mèt, nou ka mande w pou ou ban nou kopí fom W-2 osnon papye *Incom Tax* lane pase ya.

Ki Lès kap Deside Si Ou nan Lenkapasite

Nap gen pou nou voye kopy aplikasyon medikal ou an bay *State Disability Determination Service* (DDS). Moun ki maton nan fè mòd evalyasyon moun ki nan enkapasite va panche sou dosye w la, revize enfòmasyon yo epi pran yon desizyon sou ka w lan. Si yo ta bezwen plis enfòmasyon, yo ka ba w yon randevou pou w al pran yon ekzamen medikal gratis.

Ki Lè Ya Koumanse Peye Konpansasyon an

Si yo apwouve aplikasyon w lan, ya koumanse voye konpansasyon an nan sisyèm mwa apre dat bon jan prèv te rive demontre enkapasite w lan te koumanse.

Ki Jan *Medicare* Ka Ede

Medicare va peye w konpansasyon otomatikman apre ou gen 2 an depi wap resevwa konpansasyon pou ka enkapasite w lan. *Medicare* se yon pwogram asirans sante Federal pou moun ki aje 65 an ou plis epi ki trouve yo nan lenkapasite. Yo ka ede tou nan peye bòdwo dokte ansanm ak bòdwo lopital.

Si Ou Pa Rive Kalifye Pou Sekirite Sosyal

Si ou te aplike pou konpansasyon sekirite sosyal peye moun ki enkapasite, epi ou pat travay lontan ase, (manke kredi), dapre lwa biro Sekirite Sosyal, na va gade pou wè si ou va kalifye pou resevwa asirans enkapasite sou banyè pwogram *Supplemental Security Income*

SSI peye moun ki trouve yo nan enkapasite, moun ki avèg osnon moun ki rive nan laj 65 lane ou plis ki pa gen okenn lajan yap resevwa osnon ki trouve yo nan afè pa bon. Ou pa oblige tap travay avan pou w kalifye. Tou lè 2 pwogram yo, se biro administrasyon Sekirite Soyal la ki kontrole yo. Men, SSI pa resevwa pyès kòb nan lajan taks Sekirite Soyal. Se menm jan an tou yo detemine ki moun ki nan enkapasite. Men, lwa yo diferan. Pou plis enfòmasyon sou konpansasyon yo peye nan ka enkapasite anba banyè SSI, mande pou yon dokiman ki gen la dann bon jan enfòmasyon sou koze sila a. Li rele: *Supplemental Security Income Benefits*.

Konbyen Tan Konpansasyon pou Enkapasite yan Va Dire

Konpansasyon biro Sekirie Sosyal lan dire pandan tout tan ou nan enkapasite ki anpeche w travay. Si ou ka fè travay ki montre sa rapote w \$740 pa mwa, yo pap pran ka w lan an kondsiderasyon et yo ka menm sispann konpansasyon w lan. Sepandan, si ou eseye al travay malgre ou toujou nan lenkapasite medikal, gen lwa kiva pemèt ou kontinye resevwa konpansasyon w lan jiskaske ou renounen travay regilyè-man.

Pami Iwa sa yo, nou jwenn:

- Travay pwovizwa kote wap eseye travay- Pandan 9 mwa, kòb wap touché nan travay sa a pa pwal afekte konpansasyon wap touchée ya.;
- Yon ekstansyon sou tan ou kaliye ya-pandan 36 mwa, ou ka resevwa konpansasyon pou nenpòt ki mwa kote kòb wap touché nan travay ou an pi ba pase \$740;

- Dediksyon pou depans ki fêt pou la swenyay ou, depans ki fêt ki gen pou wè ak kondisyon w, yo va kenbe kont de sa nan fè kalkil si kòb wap touché ya vle fè kwè ou enganm pou w travay nòmalman; epi,
- Kontinyasyon *Medicare*- wa kontinye resevwa *Medicare* pandan 39 mwa nan peryòd wap eseye travay lan. Si yo sispann ou nan pwogram *Medicare* lan poutèt wap travay, wap ka achte li an peyan pou li chak mwa. Pou plis enfòmasyon sou kalite ankourajman yo bay moun ki nan lenkapasite pou y al travay, mande pou yon ti liv yo rele: *Working While Disabled... How We Can Help* (Publication Num. 0-10095)
De tan zan tan ya revize ka w lan pou rive detèmine si ou toujou kalifye kòm moun ki gen enkapasite. Si yap gen pou revize ka w lan souvan ou pa, sa va depann de ki chans sitiyasyon ou trouve w lan ka amelyore. Revizyon yo ka fêt osi dri ke chak 6 ale jiska 18 mwa lè yo sispek ke kondisyon medikal ou ka vin miyò. Osnon revizyon yo ka fêt chak 7 an si yo sispek kondisyon medikal lan pap vin miyò.

Pou Plis Enfòmasyon

Pou plis enfòmasyon ou ka rele (osnon fè yon moun rele pou ou) nan nimero telefòn gratis sa a: 1 8000-772-1213. Osnon ou ka desann nan nenpòt ki biro Sekirite Sosyal. Si ou ta bezwen yon moun pou tradwi pou ou, nap fè ou jwenn youn gratis. Pou enfòmasyon sou retrèt osnon konpansayon pou eritye, mande pou yon dokiman yo rele: *Social Security: Retirement and Survivors Benefits*.